

Simba&Lucy, 5j.



suechet ganz dringänd zäme äs Daheime i Wohnigshautig

Liebi Tierfründe

Sorry für'd Störig, abr mir wönnt Dir üse Wunschzettle zeige, ou we d'Wiihnachte scho verbii isch. Mir wünsche üs es nöiis Daheime, so schnüu aus mögliche. Warum? Üses Froueli züglet u cha üs nid mitnäh. Es isch es bitzeli dringänd, sy het scho überau glueget, abr nüt für üs gfunde. U mir sötte no im Juni es Daheime finde. Es pressiert es bitzeli. Drum!

Mir sy Gschwüschterti, ganz eng mitenang, 5jährig, kaschtriert u gimpft, cherngsung (nur dr Simba het es trüeb's Oug, schtört ihn abr nid, der Doc het gseit, mer muess nüt mache, nur beobachte), schtuberein, lieb, pflägeliicht u uuchompliziert. U mir sy guet erzoge, mir mache nüt kaputt u chönne ou allei dihei sy, we Du am Schaffe bisch. Abr am Abe u am Wucheänd söttsch Du denn Ziit für üs ha u mit üs woue verbringe. Was wottscht meh? D'Lucy isch die Schüechi vo üs zwöi, sy bruucht es Wiili zum Aachoh. U sy schickt mi, dr Simba, immr vor zum Lage-Peile, wiu: ig bi dr Nöigierigeri vo üs. Ig wiu aues wisse. Bi üsem Mönsch sy mir böidi sähr aahänglech u verschmuest u mir schpiue ou sähr gärn. Nur ebe: es bitzeli Ziit zum Iigwöhne, das muesch Du üs scho gäbe.

Mir wünsche üs vo Härze liebi Lüt, die wo guet zu üs luege u viu Ziit mit üs wönnt verbringe. Chliini Ching, Hung u Chatz möge mir nid. Grösseri Ching, so ab 10i, wäret cheis Problem, we sy nid zu wiud mit üs umgäh. Mir chenne nur d'Wohnigshautig u wönnt ou nid usse. E grossi Wohnig mit gsicheretem Baukon zum Sünnele u Vögeli-Luege, das isch üse Wunsch. Nei, gsicherete Baukon, das isch nid e Wunsch, das isch so gsätzt, ohni geit nid, finge mir.

Chönntisch Du üs so öppis biete? U suechsch Du zwöi nöii Familiemitgliedr? Sit Dir e toue Familie, wo oft öpper dihei isch? Odr bisch Du susch oft dihei, villiicht grad früsch pensioniert odr im Homeoffice? U chönntet mir no im Juni bi Dir iiziehe? Das wär's, denn müesset mir üs unbedingt lehre chenne. Mir wohne derziit no z'Bischofszell/TG, zügale aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Mir fröie üs uf Di !

Dini Zwöi: Simba&Lucy



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch